

**Последование молебна  
святой блаженной  
Матроне Московской  
для Народного хора**

Спасский собор  
г.Вятки

Адрес Спасского собора:

610000, Россия, г.Киров,  
ул.Казанская, 50

Телефоны:

64-20-61 (регистратура)  
64-04-74 (церковная лавка)

Сайт собора:

[www.spasskysobor.ru](http://www.spasskysobor.ru)

## Иная молитва святой Матроне Московской

О блаженная мати Матроно, душею на небеси пред Престолом Божиим предстоящи, телом же на земли почивающи, и данною ти свыше благодатию различныя чудеса источающи. Призри ныне милостивным твоим оком на ны, грешныя, в скорбех, болезнех и греховных искушениих дни своя иждивающия, утеши ны, отчаянныя, исцели недуги наши лютыя, от Бога нам по грехом нашим попущаемыя, избави нас от многих бед и обстояний, умоли Господа нашего Иисуса Христа простити нам вся наша согрешения, беззакония и грехопадения, имиже мы от юности нашея даже до настоящего дне и часа согрешихом, да твоими молитвами получивше благодать и велию милость, прославим в Троице Единаго Бога, Отца, и Сына, и Святаго Духа, ныне и присно и во веки веков. Аминь.

### Тропарь, глас 4

Земли Тульская прозябение, града Москвы ангелоподобная воительнице блаженная старице Матроно. От рождения в слепоте телесней до конца своих дней пребывшая. Но от Бога щедро духовное зрение приявшая, прозорливице и молитвеннице. Наипаче дар исцеления болезней стяжавшая. Помогай всем с верою к тебе притекающим и просящим в болезнех душевных и телесных, радости наша.

## Начало молебна

Диакон: Благослови, Владыко!  
Священник: Благословен Бог наш всегда, ныне и присно и во веки веков!  
Хор: Аминь!  
Священник: Слава Тебе, Боже наш, Слава тебе!  
Хор: Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.  
Диакон: Бог Господь и явися нам, благословен Грядый во имя Господне! Исповедайтесь Господеви, яко благ, яко в век милость Его!  
Хор: Бог Господь и явися нам, благословен Грядый во имя Господне!  
Диакон: Обышедше, обыдоша мя и именем Господним противляхся им!  
Хор: Бог Господь и явися нам, благословен Грядый во имя Господне!  
Диакон: Не умру, но жив буду и повем дела Господня!  
Хор: Бог Господь и явися нам, благословен Грядый во имя Господне!  
Диакон: Камень, егоже небрегоша зиждущии, сей бысть во главу угла, от Господа бысть сей и есть дивен во очесех наших!  
Хор: Бог Господь и явися нам, благословен Грядый во имя Господне!

## Тропарь, глас 2

Хор: Богом умудренную блаженную старицу Матрону, земли Тульския процветение и града Москвы преславное украшение, восхвалим днесь, вернии. Сия бо, света дневнаго не познавши, светом Христовым просветися и даром прозрения и исцеления обогатися. Пресельница же и странница на земли бывши, ныне в чертозех Небесных Престолу Божию предстоит и молится о душах наших.

## Запевы

Священник: Святая блаженная мати Матроно, моли Бога о нас!  
Хор: Святая блаженная мати Матроно, моли Бога о нас!  
Священник: Слава Отцу и Сыну, и Святому Духу!  
Хор: И ныне, и присно и во веки веков. Аминь!

Два раза

XXXX .+XXXX. Моли Бога о нас, святая блаженная Матроно, яко мы усердно к тебе прибегаем, скорой помощнице и молитвеннице о душах наших.



## Отпуст

Диакон: Премудрость!  
Священник: Пресвятая Богородице, спаси нас!  
Хор: Честнейшую херувим, и славнейшую без сравнения Серафим, без истления Бога Слова рождшую, сущую Богородицу Тя величаем!  
Священник: Слава Тебе, Христе Боже, упование наше, слава Тебе!  
Хор: Слава Отцу, и Сыну, и Святому Духу, и ныне, и присно, и во веки веков. Аминь!  
Господи, помилуй! Господи, помилуй! Господи, помилуй!  
Высокопреосвященнейший Владыко, благослови!  
Священник: Христос истинный Бог наш, молитвами Пречистыя Своея Матери, святой блаженной старицы Матроны Московской и всех святых помилует и спасет нас яко благ и Человеколюбец!  
Хор: Господи, помилуй! Господи, помилуй! Господи, помилуй!

## Величание

Хор: Величаем тя, святая блаженная мати Матроно, и чтим святую память твою, ты бо молиши о нас Христа Бога нашего!



## Молитва

- Диакон: Ко святей блаженной Матроне Московской со умилением помолимся!
- Хор: Святая блаженная мати Матроно, моли Бога о нас!
- Священник: О блаженная мати Матроно, душею на небеси пред Престолом Божиим предстоящи, телом же на земли почивающи, и данною ти свыше благодатию различные чудеса источающи. Призри ныне милостивным твоим оком на ны, грешныя, в скорбех, болезнях и греховных искушениях дни своя иждивающия, утеши ны, отчаянныя, исцели недуги наши лютыя, от Бога нам по грехом нашим попущаемыя, избави нас от многих бед и обстояний, умоли Господа нашего Иисуса Христа простити нам все наши согрешения, беззакония и грехопадения, имиже мы от юности наша даже до настоящего дне и часа согрешихом, да твоими молитвами получивше благодать и велию милость, прославим в Троице Единобога, Отца, и Сына, и Святаго Духа, ныне и присно и во веки веков.
- Хор: Аминь!

## Сугубая ектения

- Диакон: Помилуй нас, Боже, по велицей милости Твоей, молим Тися, услыши и помилуй!
- Хор: Господи, помилуй! Господи, помилуй! Господи, помилуй!
- Диакон: Еще молимся о Великом Господине и отце нашем Святейшем Патриархе Кирилле, и о господине нашем высокопреосвященнейшем митрополите Марке, и о всей во Христе братии нашей!
- Хор: Господи, помилуй! Господи, помилуй! Господи, помилуй!
- Диакон: Еще молимся о богохранимой стране нашей, властях, и воинстве ея, да тихое и безмолвное житие поживем во всяком благочестии и чистоте!
- Хор: Господи, помилуй! Господи, помилуй! Господи, помилуй!
- Диакон: Еще молимся за всю братию, и за вся христианы!
- Хор: Господи, помилуй! Господи, помилуй! Господи, помилуй!
- Священник: Яко милостив и человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков!
- Хор: Аминь!

## Запевы

- Священник: Святая блаженная мати Матроно, моли Бога о нас!
- Хор: Святая блаженная мати Матроно, моли Бога о нас!
- Священник: Слава Отцу и Сыну, и Святому Духу!
- Хор: И ныне, и присно и во веки веков. Аминь!
- Свящ.+Диак. Моли Бога о нас, святая блаженная Матроно, яко мы усердно к тебе прибегаем, скорой помощнице и молитвеннице о душах наших.

Три раза

### Малая ектения

Диакон: Паки и паки, миром Господу помолимся!  
Хор: Господи, помилуй!  
Диакон: Заступи, спаси, помилуй и сохрани нас, Боже, Твоею благодатию!  
Хор: Господи, помилуй!  
Диакон: Пресвятую, пречистую, преблагословенную, славную Владычицу нашу Богородицу и Приснодеву Марию со всеми святыми помянувше, сами себе и друг друга, и весь живот наш Христу Богу предадим!  
Хор: Тебе, Господи!  
Священник: Ты бо еси Царь мира и Спас душ наших, и Тебе славу возсылаем, Отцу, и Сыну, и Святому Духу, ныне и присно, и во веки веков!  
Хор: Аминь!

### Кондак 1

Хор: Избранная Духом Божиим от пелен младенческих, блаженная старице Матроно, слепоту и немощь телесную ко очищению духовному от Бога приявшая, даром прозрения и чудес обогатилася еси и венцем нетленным от Господа украсилася еси. Сего ради и мы благодарне венец похвальный приносим ти, вопиюще: Радуйся, праведная мати Матроно, теплая о нас к Богу молитвеннице.



### Кондак, глас 7

Хор: К служению Христову от чрева матерня предъизбранная, праведная Матроно, стезе скорбей и печалей шествующи, твердую веру и благочестие явивши, Богу угодила еси. Темже, почитающе память твою, молим тя: помози и нам в любви Божии пребывати, старице блаженная.

### Сугубая ектения

Диакон: Помилуй нас, Боже, по величицей милости Твоей, молим Ти ся, услыши и помилуй!  
Хор: Господи, помилуй! Господи, помилуй! Господи, помилуй!  
Диакон: Еще молимся о Великом Господине и отце нашем Святейшем Патриархе Кирилле, и о господине нашем высокопреосвященнейшем митрополите Марке, и о всей во Христе братии нашей!  
Хор: Господи, помилуй! Господи, помилуй! Господи, помилуй!  
Диакон: Еще молимся о Богохранимем стране нашей, властех и воинстве ея, да тихое и безмолвное житие поживем во всяком благочестии и чистоте!  
Хор: Господи, помилуй! Господи, помилуй! Господи, помилуй!  
Диакон: Еще молимся о милости, жизни, мире, здравии, спасении, посещении, прощении, благопоспешении рабов Божиих, братии святого храма сего!  
Хор: Господи, помилуй! Господи, помилуй! Господи, помилуй!  
Диакон: Еще молимся за всю братию и за вся христианы!  
Хор: Господи, помилуй! Господи, помилуй! Господи, помилуй!  
Священник: Услыши ны, Боже, Спасителю наш, упование всех концев земли, и сущих в мори далече: и милостив, милостив буди, Владыко, о гресех наших, и помилуй ны. Милостив бо и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.  
Хор: Аминь!



## «Достойно Есть...»

Хор: Достойно есть яко воистину блажити Тя Богородицу, присноблаженную и пренепорочную и Матерь Бога нашего. Честнейшую херувим и славнейшую без сравнения серафим, без истления Бога Слова рождшую, сущую Богородицу Тя величаем.

## Трисвятое

Диакон: Святый Боже, Святый Крепкий, Святый Безсмертный, помилуй нас! ] Три раза  
Слава Отцу и Сыну и Святому Духу, и ныне и присно и во веки веков. Аминь!  
Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради!  
Господи, помилуй. Господи, помилуй. Господи, помилуй!  
Слава Отцу, и Сыну, и Святому Духу и ныне, и присно, и во веки веков. Аминь!  
Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго!

Священник: Яко Твое есть царство, и сила, и слава Отца и Сына и Святаго Духа ныне и присно и во веки веков!

Хор: Аминь!

## Икос 1

Священник: Ангел во плоти явилася еси на земли, Матроно блаженная, исполняющи волю Божию. Аще рождество твое в слепоте телесней бысть, но Господь, умудряяй слепцы и любяй праведныя, просвети духовней очи твои, да послужиши людям и дела Божии явятся чрез тебе. Мы же с любовию вопием ти таковая:

Хор: Радуйся, от младенчества Богом избранная;  
Радуйся, благодатию Духа Святаго от пелен осененная.  
Радуйся, даром чудес измлада обогащенная;  
Радуйся, премудростию от Бога свыше исполненная.  
Радуйся, мысленными очима волю Божию прозирающая;  
Радуйся, слепотствующих умом мудрецов века сего посрамляющая.  
Радуйся, души заблудшия к Богу приводящая;  
Радуйся, скорби и печали утоляющая.  
Радуйся, праведная мати Матроно, теплая о нас к Богу молитвеннице.

## Кондак 2

Священник: Видяще людие и иерей, егда крещаше тя, блаженная, чудный столп облачный над главою твоею и обонявше благоухание велие, дивляхуся, что убо сия отроковица будет, поюще Богу: Аллилуиа.

Хор: Аллилуиа!

## Икос 2


Священник: Разум имея просвещенный, иерей Божий Василий позна, яко крещаемая от него сосуд благодати Божия есть, и ты, праведная Матроно, отроковицу святу нарече. От нашего же усердия приносим ти похвалы сия:

Хор: Радуйся, во святей купели благодатию Святаго Духа облагауханная;  
Радуйся, на персех твоих крест запечатленный имевшая.  
Радуйся, молитвеннице, от Бога людем дарованная;  
Радуйся, свеще неугасимая, пред Господем сияющая.  
Радуйся, даром чудотворения от Бога прославленная на земли;  
Радуйся, венцем неувядаемым от Господа увенчанная на небеси.  
Радуйся, милости Божия грешным возвещающая;  
Радуйся, от источника воды живыя жаждущия напаяющая.  
Радуйся, праведная мати Матроно, теплая о нас к Богу молитвеннице.

## Кондак 3

Священник: Силу Божия благодати ощущаючи, еще во младенчестве сущи, Матроно блаженная, ко иконам святым устремлялася еси, и чистым сердцем и младенческими усты хвалу Богу возглашала еси: Аллилуиа.

Хор: Аллилуиа!



## Чтение Евангелия

Священник: От Матфея Святаго Евангелия чтение!  
Хор: Слава Тебе, Господи, Слава Тебе!  
Диакон: Вонмем!  
Священник: Рече Господь притчу сию: уподобися Царствие Небесное десятиим девам, яже прияша светильники своя, и изыдоша в сретение жениху. Пять же бе от них мудры, и пять юродивы. Юродивыя же, приемше светильники своя, не взяша с собою елеа. Мудрыя же прияша елей в сосудах, со светильники своими. Коснящу же жениху, воздремашася вся, и спяху. Полунощи же вопль бысть: се жених грядет, исходите в сретение его. Тогда возставше вся девы тыя, и украсиша светильники своя. Юродивыя же мудрым реша: дадите нам от елеа вашего, яко светильницы наши угасают. Отвещаша же мудрыя, глаголюще: еда како не достанет нам и вам? идите же паче к продающим и купите себе. Идущим же им купити, прииде жених и готовыя внидоша с ним на браки; и затворены быша двери. Последи же приидоша и прочия девы, глаголюще: Господи, Господи, отверзи нам. Он же отвещав рече им: аминь глаголю вам, не вем вас. Бдите убо, яко не весте дне, ни часа, вонже Сын Человеческий приидет.

Хор: Слава Тебе, Господи, Слава Тебе!

## Запевы

Священник: Святая блаженная мати Матроно, моли Бога о нас!  
Хор: Святая блаженная мати Матроно, моли Бога о нас!  
Священник: Слава Отцу и Сыну, и Святому Духу!  
Хор: И ныне, и присно и во веки веков. Аминь!

Три раза



## Прокимен

Диакон: Вонмем, премудрость, вонмем! Прокимен, глас четвертый: Господи, открий очи мои, и уразумею чудеса от закона Твоего!

Хор: Господи, открий очи мои, и уразумею чудеса от закона Твоего!

Диакон: Отврати очи мои, еже не видети суеты, в пути Твоем живи мя!

Хор: Господи, открий очи мои, и уразумею чудеса от закона Твоего!

Диакон: Господи, открий очи мои...

Хор: ... и уразумею чудеса от закона Твоего!

Диакон: Господу помолимся!

Хор: Господи, помилуй!

Священник: Яко свят еси, Боже наш, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь!

Диакон: Всякое дыхание да хвалит Господа!

Хор: Всякое дыхание да хвалит Господа!

Диакон: Хвалите Бога во святых Его, хвалите Его в утверждении силы Его!

Хор: Всякое дыхание да хвалит Господа!

Диакон: Всякое дыхание...

Хор: ... да хвалит Господа!

Диакон: И о сподобится нам слышанию святого Евангелия Господа Бога молим!

Хор: Господи, помилуй! Господи, помилуй! Господи, помилуй!

Диакон: Премудрость, прости! Услышим Святого Евангелия!

Священник: Мир всем!

Хор: И духови твоему!

## Икос 3

Священник: Имущи от Бога дар прозрения издетска, блаженная мати, сокровенная сердец приходящих к тебе ведущи, и оным будущая, яко настоящая сказующи, многия люди на путь благочестия направляла еси. Темже прославляюще Бога, умудряющего слепцы, вопием тебе сице:

Хор: Радуйся, дивная провидице;  
Радуйся, сокровенных грехов обличительнице.  
Радуйся, помраченных душею пресветлая наставнице;  
Радуйся, заблудших милостивая путеводительнице.  
Радуйся, звездо, верным путь указующая;  
Радуйся, свеще, во тьме века сего светящая.  
Радуйся, единому Богу послужившая;  
Радуйся, козни диавольския благодатию Духа Святаго поправшая.  
Радуйся, праведная мати Матроно, теплая о нас к Богу молитвеннице.

## Кондак 4

Священник: Буря недоумения и смятения о чудесех твоих в людех развеяся, мати блаженная, и тии, вразумившу их Господу, дивному во святых Своих, прославиша и восхвалиша тя, Богу же с благодарением воспеша: Аллилуиа.

Хор: Аллилуиа!

#### Икос 4


Священник: Слышавше людие, мати Матроно, яко помощь в недужех душевных и телесных подаеши, прихождаху к тебе со упованием, и, совет благоприятен и исцеление получивше, благодаряще Бога, воспеваху тебе:

Хор: Радуйся, яко болезнующих и страждующих душею приемлещи;  
Радуйся, яко мир душам скорбящим даруеши.  
Радуйся, в заблуждениих сущих вразумительнице;  
Радуйся, благочестия учительнице.  
Радуйся, печалей наших утолительнице;  
Радуйся, в скорбех утешительнице.  
Радуйся, благая бессеребренице;  
Радуйся, недугов всяческих безмездная врачевательнице.  
Радуйся, праведная мати Матроно, теплая о нас к Богу молитвеннице.

#### Кондак 5

Священник: Боготечная звезда возсияла еси, мати блаженная Матроно, во дни лихолетия во Отечестве нашем, яко новая исповедница, иго Христова дерзновенно и безбоязненно чрез все житие пронесла еси, и благодатию Божию укрепляема, подавала еси недоумевающим вразумление, страждующим ослабу, больным исцеление, благодарственно зовущим Богу: Аллилуиа.

Хор: Аллилуиа!



#### Икос 1

Священник: Ангел во плоти явилася еси на земли, Матроно блаженная, исполняющи волю Божию. Аще рождество твое в слепоте телесней бысть, но Господь, умудряяй слепцы и любяй праведныя, просвети духовней очи твои, да послужиши людям и дела Божии явятся чрез тебе. Мы же с любовию вопием ти таковая:

Хор: Радуйся, от младенчества Богом избранная;  
Радуйся, благодатию Духа Святаго от пелен осененная.  
Радуйся, даром чудес измлада обогащенная;  
Радуйся, премудростию от Бога свыше исполненная.  
Радуйся, мысленными очима волю Божию прозирающая;  
Радуйся, слепотствующих умом мудрецов века сего посрамляющая.  
Радуйся, души заблуждшия к Богу приводящая;  
Радуйся, скорби и печали утоляющая.  
Радуйся, праведная мати Матроно, теплая о нас к Богу молитвеннице.

#### Кондак 1

Хор: Избранная Духом Божиим от пелен младенческих, блаженная старице Матроно, слепоту и немощь телесную ко очищению духовному от Бога приявшая, даром прозрения и чудес обогатилася еси и венцем нетленным от Господа украсилася еси. Сего ради и мы благодарне венец похвальный приносим ти, вопиюще: Радуйся, праведная мати Матроно, теплая о нас к Богу молитвеннице.



### Икос 12

Священник: Поюще многая и дивная твоя чудеса, мати Матроно, восхваляем Бога, даровавшего граду Москве и Отечеству нашему во дни безбожия и гонения твоего, непоколебимый столп благочестия и веры. Ныне же, блаженная мати, благодарным сердцем воспевает тебе сице:

Хор: Радуйся, мир Христов в душе твоей стяжавшая;  
Радуйся, сего ради многая люди окрест тебе к Богу приведшая.  
Радуйся, в немощном теле сущи, силу Божия благодати показавшая;  
Радуйся, во обретении честных мощей твоих Божию милость нам явившая.  
Радуйся, сонма святых Московских изрядное процветение;  
Радуйся, града Москвы преславное украшение.  
Радуйся, Отечества нашего присная пред Богом печальнице;  
Радуйся, к покаянию и молитве о земли Российской всех призывающая.  
Радуйся, праведная мати Матроно, теплая о нас к Богу молитвеннице.

### Кондак 13

Священник: О блаженная мати, услыши ныне воспеваемое тебе хвалебное пение и испроси нам у Господа Иисуса Христа грехов оставление, христианския мирныя кончины и добраго ответа на страшном судищи Его, да и мы с тобою сподобимся в селениях райских славити Святую Троицу, вопиюще:  
Аллилуиа, аллилуиа, аллилуиа.

Хор: Аллилуиа, аллилуиа, аллилуиа!

Три раза



### Икос 5

Священник: Видяще мнози Российстии людие чудеса и исцеления, Божию благодатию от тебе подаваемая: хромым – хождение, разслабленным и на одре лежащим – исцеление, беснующимся – духов злобы отгнание, устремившася к тебе, мати, яко к источнику неисчерпаемому, от него же испивше обильно, умиленным сердцем возопиша тебе таковая:

Хор: Радуйся, на путь правый от младенчества призванная;  
Радуйся, праведнице, от Бога нам дарованная.  
Радуйся, целительнице, недуги наша исцеляющая;  
Радуйся, в нуждах наших скоро помогающая.  
Радуйся, душеполезными советами нас вразумляющая;  
Радуйся, недоумения наша скоро разрешающая.  
Радуйся, духи нечистыя от человек отгоняющая;  
Радуйся, от всякого зла молитвою твоею ограждающая.  
Радуйся, праведная мати Матроно, теплая о нас к Богу молитвеннице.

### Кондак 6

Священник: Провозвестник святости и праведности жития твоего, блаженная мати, явися святой и праведный отец Иоанн Кронштадтский, егда узре тя во храме и наименова тя свою преемницу таже и осмый столп России. Все же, слышавше сие, прославиша Господа, возглашающе Ему песнь: Аллилуиа.

Хор: Аллилуиа!



### Икос 6

Священник: Возсия молитвами твоими, мати Матроно, свет благодати Божия в сердцах, не введущих Бога и грехми многими прогневающих Его. Тии же, видяще чудеса, тобою совершаемая, обращахуся ко Господу, ублажающе тя сице:

Хор: Радуйся, подвиги твоими Бога прославляющая;  
Радуйся, славу Божию нам являющая.  
Радуйся, неверныя на путь правый наставляющая;  
Радуйся, грехми оскверненныя молитвами твоими очищающая.  
Радуйся, к покаянию нас призывающая;  
Радуйся, за вся благодарити Господа нас вразумляющая.  
Радуйся, храм Божий любити нас научающая;  
Радуйся, во ограду церковную расточенныя овцы собирающая.  
Радуйся, праведная мати Матроно, теплая о нас к Богу молитвеннице.

### Кондак 7

Священник: Хотящи Пресвятую Владычицу нашу Богородицу достойно ублажити, мати Матроно, повелела еси людем написати всечестный образ Ея, «Взыскание погибших» именуемый и в храме Божиим веси твоя водворити, да вси взирающе на светлый лик Пречистыя, со умилением восхвалят Ю, Господу же возопиют: Аллилуиа.

Хор: Аллилуиа!



### Икос 11

Священник: Светозарным светом сияет житие твое, блаженная Матроно, освещаая мрак многосуетнаго мира сего, и влечет к себе души наша: яко да и мы лучею благодати Божия озаримся и скорбный путь привременныя жизни богоугодно пройдем и Царствия Божия достигнем, идеже ты, мати, ныне вселилася еси, слышащи глас наш, тебе зовущих:

Хор: Радуйся, свеще Божия, присно горящая;  
Радуйся, бисере честный, блистанием святыни твоя нас озаряющий.  
Радуйся, цвете благовонный, Духом Святым нас благоухающий;  
Радуйся, камению веры, малодушныя в благочестии утверждающий.  
Радуйся, звездо пресветлая, правый путь нам указующая;  
Радуйся, добрая воительнице Христова, мечем молитвы демонския полки устрашающая.  
Радуйся, яко все житие твое свято и непорочно;  
Радуйся, яко и смерть твоя пред Господем честна.  
Радуйся, праведная мати Матроно, теплая о нас к Богу молитвеннице.

### Кондак 12

Священник: Благодать Божию обильно еще от пелен восприяла еси, мати блаженная, яже выну пребысть с тобою по вся дни жизни. Веруем несумненно, яко и по успении твоем благодать сия пребогато пребывает с тобою. Сего ради припадающе молимся: не лиши и нас, еще странствующих на земли, помощи твоя и заступления, просящи Господа помиловати всех, поющих Ему: Аллилуиа.

Хор: Аллилуиа!



### Икос 10

Священник: Стена и покров была еси во дни жития твоего, блаженная мати, всем к тебе прибегающим, и по смерти не престаеши ходатайствовать пред Богом о людех, с верою притекающих ко гробу твоему. Темже убо, услыши ныне и нас, грешных, скорбьми, болезнями и многими печальми одержимых и потщися на помощь твоими молитвами, всем, к тебе вопиющим:

Хор: Радуйся, обидимых скорая предстательнице;  
Радуйся, терпящих лишения утешительнице.  
Радуйся, честнаго супружества охранение;  
Радуйся, всех, во вражде сущих, умирение.  
Радуйся, неправо на суд влекомых защитительнице;  
Радуйся, и о виновных пред судом земным к Богу милостивая ходатаице.  
Радуйся, лишившихся крова пристанище;  
Радуйся, о всех к тебе взывающих, заступнице.  
Радуйся, праведная мати Матроно, теплая о нас к Богу молитвеннице.

### Кондак 11

Священник: Пение ангельское слышала еси, мати честная Матроно, еще на земли живуши. Научи и нас, недостойных, како подобает славити Бога, в Троице почитаемаго, Отца и Сына и Святаго Духа, Ему же непрестанно воинства небесная велегласно воспевают: Аллилуиа.

Хор: Аллилуиа!



### Икос 7

Священник: Новую ты заступницу, молитвенницу и ходатаицу к Богу дарова Господь в годину тяжкую людем Российским, мнози бо отпадаху от Святыя Церкви, ты же, мати, малoverныя и заблуждшия наставляла еси словом и делом, являющи дивная чудеса Божия. Темже воспеваем ти сице:

Хор: Радуйся, страны нашае Российския неусыпная печальнице;  
Радуйся, спасения нашего ходатаице.  
Радуйся, Бога, Судии праведнаго, умиловительнице;  
Радуйся, недужных и обидимых покровительнице.  
Радуйся, немощных и безнадежных помощнице;  
Радуйся, противу духов злобы непрестанная воительнице.  
Радуйся, яко трепещут ты князи бесовстии;  
Радуйся, яко радуются о тебе ангелы и человецы.  
Радуйся, праведная мати Матроно, теплая о нас к Богу молитвеннице.

### Кондак 8

Священник: Странно малoverным и неразумным бысть, како слепорожденная видети и ведети может не точию настоящая, но и будущая, не ведяху бо силы Божия, в немощи человечестей совершаемая. Мы же, блаженная мати, премудрость Божию, в тебе явленную зряще, вопием Богу: Аллилуиа.

Хор: Аллилуиа!



### Икос 8

Священник: Всяческия досаждения и обиды, изгнания и укорения претерпела еси, блаженная мати, не сетующи о сем, но за вся благодарящи Бога. Сим же и нас научаеши терпеливно нести крест свой, тебе же благохвалити тако:

Хор: Радуйся, в молитве непрестанно пребывавшая;  
Радуйся, духов злобы постом и молитвою отгнавшая.  
Радуйся, мир благодатный стяжавшая;  
Радуйся, любовьию твоею многия окрест тебе спасавшая.  
Радуйся, житием твоим изрядно людем послужившая;  
Радуйся, и по кончине твоей людем непрестанно помогающая.  
Радуйся, и ныне нашим прошением тепле внимающая;  
Радуйся, уповающих на помощь твою не оставляющая.  
Радуйся, праведная мати Матроно, теплая о нас к Богу молитвеннице.

### Кондак 9

Священник: Всякия скорби и болезни аще и претерпела еси, мати Матроно, непрестанно ведущи брань с силами тьмы, обличающи козни и коварства их, и изгоняющи бесы от одержимых, обаче до кончины дний твоих помогала еси страждующим, недугующим и скорбящим, присно поющи Богу: Аллилуиа.

Хор: Аллилуиа!



### Икос 9

Священник: Ветии многовещаннии не возмогут достойно прославити святое житие твое и чудеса, силою Божиею тобою творимая, предивная старице. Мы же, хотяще псаломски хвалити Бога во святых Его и подвигаемии сердечною любовьию, дерзаем пети тебе таковая:

Хор: Радуйся, узкий путь и тесная врата избравшая;  
Радуйся, добродетельми многими просиявшая.  
Радуйся, вся тленная в житии твоём отвергшая;  
Радуйся, смирением, яко венцем драгим, украшенная.  
Радуйся, евангельски, яко птица небесная, на земли пожившая;  
Радуйся, Сыну Божию, не имевшему, где главу подклонити, последовавшая.  
Радуйся, ныне во обителях райских веселящаяся;  
Радуйся, и нас, грешных, молящихся тебе, милостию твоею не оставляющая.  
Радуйся, праведная мати Матроно, теплая о нас к Богу молитвеннице.

### Кондак 10

Священник: Спасити хотящи многия люди от страданий телесных и душевных недуг, всенощно пребывала еси, праведнице Божия, в молитве, просящи им помощи и укрепления от Господа нашего Иисуса Христа, поющи Ему: Аллилуиа.

Хор: Аллилуиа!

